

禪海十珍集
修心訣

禪海十珍集

清福州鼓山湧泉寺沙門為霖道需集

修心訣

高麗國佛日普照說

禪海十珍集

修 心 訣

倡印者：釋心明

贈送處：虛雲和尚紀念堂

新界荃灣芙蓉山 電話：12-404823

印刷者：香港佛學印書局

中環士丹頓街五號 電話：5-234933

中環衛城道3A號一樓 電話：5-254623

資料編集：信光比丘

(Saddhāloka Bhikkhu)

各頁爛字修補：梁深慈

佛曆三千〇八年釋迦牟尼佛聖誕日敬印

禪海十珍集

清福州鼓山湧泉寺沙門為霖道需集

鼓山爲霖道霈禪師



取自——增訂佛祖道影

師建安丁氏子。年十五出家。十八納戒。徧歷講席。久
叅永覺。針芥投契。覺年八十。付以衣拂。說偈曰。曾在壽
昌橋上過。豈隨流俗漫生枝。一髮欲存千聖脉。此心能
有幾人知。潦倒殘年今八十。大事於茲方付伊。三十年
中鹽醬事。古人有語不相欺。逆風把柁千鈞力。方能永
定太平基。康熙壬午九月初七日。集衆示寂。壽八十八。
興鼓山寶福。白雲廣福。開元四刹。著有華嚴疏論纂要
等經論。共二十八種。一百九十六卷行世。贊曰。

重來石鼓。全提正令。醉心華嚴。卅年考證。棗柏清涼。
後先輝映。盜璽窺符。得所究竟。仰瞻道貌。肅然起敬。

禪海十珍集

清福州鼓山湧泉寺沙門道需集

述曰。夫別傳之道。本離文彩。然垂手接人。亦不廢言說。六傳之後。二支五派。浩浩說禪。智者悟之。性海汪洋。恒沙法寶。自然流出。豈從修得。非自學來。乃自心本有性功德耳。但時當末運。人根漸下。上者爭以世智論量大法。下者甘自守愚。菽麥不分。且貪多得終身役。

役而不知其所歸。豈不惜哉。於是拈此十篇。綱宗爲初學標準。言約義明。行止勤怠。存乎其人。實不在編輯之多耳。

七佛傳法偈第一

毘婆尸佛偈曰。身從無相中受生。猶如幻出諸形像。幻人心識本來無。罪福皆空無所住。尸棄佛偈曰。起諸善法本是幻。造諸惡業亦是幻。身如聚沫心如風。幻出無根無實性。

毘舍浮佛偈曰。假借四大以爲身。心本無生。因境有。前境若無。心亦無。罪福如幻起亦滅。拘留孫佛偈曰。見身無實。是佛見了。心如幻。是佛了。了得身心本性空。斯人與佛何殊別。拘那含牟尼佛偈曰。佛不見身。知是佛。若實有知。別無佛。智者能知罪性空。坦然不懼於生死。迦葉佛偈曰。一切衆生性清淨。從本無生。無可滅。卽此身心是幻生。幻化之中無罪福。

釋迦牟尼佛偈曰。法本法無法。無法法亦法。今付無法時。法法何曾法。

釋曰。七佛傳法偈。皆破身心妄見。良以眾生無始劫來。迷失真性。妄認四大爲身。六塵緣影爲心。旣已迷已爲物。而復認物爲已。從迷入迷。展轉無涯。故佛佛道破。令於身心中。悟明身心。了不可得。法身真智。覲體圓明。所謂了得身心本性空。斯人與佛何殊別。佛語當

信。幸無錯會也。

初祖達磨入道四行第二

初祖云。夫入道多途。要而言之。不出二種。一是理入。二是行入。理入者。藉教悟宗。深信含生同一真性。但爲客塵妄想所覆。不能顯了。若捨妄歸真。凝住壁觀。無自無他。凡聖等一。堅住不移。更不隨於文教。此卽與道冥符。無有分別。寂然無爲。名理入也。行入者。四行爲要。其餘諸行。悉

入此中。何等四耶。一。報冤行。二。隨緣行。三。無所
求行。四。稱法行。云何名報冤行。謂修道行人。若
受苦時。當自念言。我從往昔。無數劫中。棄本從
末。流浪諸有。多起冤憎。違害無限。今雖無犯。是
我宿殃。惡業果熟。非天人所與。甘心忍受。都無
冤訴。經云。逢苦不憂。識達故也。此心生時。與道
相應。體冤進道。故言報冤行。二。隨緣行者。眾生
無我。並緣業力所轉。苦樂等受。皆從緣生。若得

勝報榮譽等事。是我過去宿因所感。今方得之。
緣盡還無。何喜之有。得失從緣。心無增減。喜怒
俱無。冥順於道。名隨緣行也。三。無所求行者。世
人長迷。處處貪著。名之爲求。智者悟真。理與俗
反。安貧無求。形隨運轉。萬有斯空。無所願樂。功
德黑暗。常相隨逐。三界無安。猶如火宅。有身皆
苦。誰得常安。了達此處。息想無求。經云。有求皆
苦。無求乃樂。故知無求。真爲道行。是名無所求。

行也。四稱法行者。性淨理體。目之爲法。此理衆
相皆空。無染無著。無此無彼。經云。法無衆生。離
衆生垢故。法無有我。離我垢故。智者若能信解
此理。應當稱法而行。法體無慳。於身命財。行施
無恡。達解三空。不倚不著。感化衆生。亦無化相。
此爲自利利他。亦能莊嚴菩提之道。施度旣爾。
餘五亦然。除妄修真。行於六度而無所行。是爲
稱法行也。

釋曰。初祖於別傳外。復示理行二門者。囑別傳人須履踐耳。昔太守楊銜之問初祖曰。西天相承爲祖。其道如何。祖曰。明佛心宗。解行相應。名之曰祖。後六祖問南嶽讓曰。什麼物。恁麼來。讓曰。說似一物。卽不中。六祖曰。還可修證否。讓曰。修證卽不無。污染卽不得。據此。豈可徒恃見解。而撥去修證乎。何者。蓋見道而不修報冤行。則有冤報時。鼓忿恨風。吹心

識火。可乎。苟不修隨緣行。遇榮譽等事。則心生貪著。爲喜風飄蕩。可乎。苟不修無所求行。則貪心熾盛。種種馳求。何時休息。可乎。苟不修稱法行。雖修六度。而滯有爲。可乎。若然。則與未見道者。何以異耶。故見道者。當稱法行。貪求永息。知緣無生。不生執著。冤親平等。忍受冤報。能如是。可謂明佛心宗。解行無玷。庶幾無愧於佛祖矣。

三祖僧璨信心銘第三

至道無難。唯嫌揀擇。但莫憎愛。洞然明白。毫厘有差。天地懸隔。欲得現前。莫存順逆。違順相爭。是爲心病。不識元旨。徒勞念靜。圓同太虛。無欠無餘。良由取捨。所以不如。莫逐有緣。勿住空忍。一種平懷。泯然自盡。止動歸止。止更彌動。唯滯兩邊。寧知一種。一種不通。兩處失功。遣有沒。有從空背空。多言多慮。轉不相應。絕言絕慮。無處